

018 16

余

金
石
册

金

石

幣

金

南陵
徐氏
鑑
叢書
弟三

南

金石例序



卷之八



頁五

思齋

周

金石例者蒼崖先生所述也凡碑碣之制始作之本銘志之式辭義之要莫不放古以為準以其可法於天下後世故曰例而其所以為例者由先秦二漢暨唐宋諸大儒皆因文之類以為例至夫節目之詳率祖韓愈氏大書特書不一書彪分眈列其亦放乎春秋之例也與甚矣先生有功於斯文也先生世居中州以文學鳴國初士之為文者猶襲纖巧其氣萎薶不振先生

患其久而難變也乃述是書以授學者使其知古之為文如此粲然畢舉如示諸掌故歷事六朝出入翰苑餘二十年凡經指授者皆有法度朝野至今稱之子敏中來為饒理官好賢下士文雅有父風其於先生手澤尤加慎重以本之與於斯文也俾之次第而讎校之刻之梓以永其傳嗟乎先生不以崇高自居而加惠於後學敏中不以勢利相尚而盡力於遺書有子如是先生為猶生矣後之人當知是書有功於斯文

不細也先生姓潘氏諱昂霄字景梁學者稱之
曰蒼崖先生官至翰林侍讀學士通奉大夫謚
文僖有蒼崖類藁若干卷云至正五年春三月
鄱陽後學楊本敘

金石例序

聖人春秋褒貶著於筆削者謂之例國家政刑
賞罰見於制度者謂之例是皆以其可為法於
天下後世也濟南文僖潘公蒼崖先生取古昔
碑碣鐘鼎之文提綱舉要條分類聚定為十卷

名曰金石例一卷至五卷則述銘志之始而於
貴賤品級塋墓羊虎德政神道家廟賜碑之制
度必辨焉六卷至八卷則述唐韓文括例而於
家世宗族職名妻子死葬月日之筆削特詳焉
九卷則先正格言十卷則史院凡例制度筆削
於此又可以槩見焉使世之孝子慈孫觀其制
度之等則思得為而為不得而不為而於事親
之道不至違禮矣觀其筆削之旨則思孰為可
傳孰不可傳而於揚名之道有以自力矣是豈

惟為文者之助於世教將重有補焉公之子敏
中來官于饒出是書以示余因得以觀夫公之
篤意斯文而又喜斯文之有賢子以傳也遂為
之引至正乙酉春三月望賜同進士出身將仕
郎前慶元錄事都陽後學傅貴全序

金石例序

文章先體製而後論其工拙體製不明雖操觚
弄翰於當時猶不可况其勒於金石者乎陸士
衡文賦論作文體製大畧可見由先秦以來迄

于近代金石之所篆刻具有體製好古博雅之士皆不可以不之考也然而自上徂下貴賤有等名器亦因之而異數敘事紀實抑揚予奪必當有所法自非類聚而通考之何以見之哉翰林蒼崖先生潘公雄文博學為當世所推嘗歷攷古今文辭提綱舉要萃為一編名曰金石例凡為文之架度制器之楷式開卷瞭然其用心亦勤矣公之子敏中寶其手澤罔敢失墜宦游四方必載與俱其在番場復刊是編以廣其傳

且與吾黨共之噫公掌帝制司文衡其所以藻飾太平者已無所不盡其忠敏中克承家學益彰其親之美斯亦繼志述事之孝者乎忠孝萃於一門文物昭於盛世使夫為人子皆有所矜式實有功於名教豈特為文之助而已哉余故表而出之以冠篇端云至正五年春三月饒州路儒學教授桐川後學湯植翁序

金石例序

三代無文人六經無文法儒者有是言也然春

秋大義數十以褒貶寓於一字之間傳者謂其發凡以言例皆經國之常制周公之垂法諸稱書不書先書故書不言不稱書曰之類皆所以起新舊發大義謂之變例至謂發傳之體有三而為例之情有五然則謂無法可乎後世之文莫重於金石蓋所以發潛德誅奸諛著當今示方來者也如是而不知義例其不貽鳴吠之謂也幾希翰林蒼崖潘先生動必稽古取先代碩儒所為文類而集之題曰金石例視傳春秋者

所言如合符節俾夫考古者知古人用意之所
在而學古者有所矜式而不敢肆其嘉惠斯文
不其至乎至正丁亥予忝教番場公之子敏中
為理官嘗屬郡士楊本端如緝其次第既已刻
於家而公諸人學之賓師景陽吳君旭子謙吳
君以牧謂此書將歸中州則邦之人焉能一一
而見之哉盍列之學官以垂永久乃復加校正
而壽諸梓於乎古人吾不得而見之矣得見古
文斯可矣明年戊子夏六月既望廬陵王思明

謹敘

何莫知也... 吾不覺而見之... 益及之學... 公之實稱... 本欲... 不其... 吾而... 內言... 合... 夫... 古... 入...

蒼崖先生金石例卷之一

鄱陽楊本編輯校正

碑碣之始

禮記檀弓下季康子之母死公肩假曰公室視
豐碑

註云視者時僭天子也豐碑斲大木為之形
如石碑於槨前後四角樹之穿中於間為鹿
盧下棺以綵繞天子六綵四碑前後各重鹿
盧也

三家視桓楹

註云時僭諸侯諸侯下天子也斲之形如大楹耳四植之謂之桓諸侯四綽二碑碑如桓矣大夫二綽二碑士二綽無碑䟽視比擬之辭也斲大木為形如石碑者禮朝廷有碑故祭義云牲入麗為碑儀禮每云當碑揖之此豐碑故知斲大木為碑也云於楹前後四角樹之者謂楹前後及兩旁樹之角落相望故云非正當四角也穿去碑中之木令使空於

空間著鹿盧兩頭各入碑木云下棺以繹繞者繹即紼也人各背碑負紼末頭聽鼓聲以漸却行而下之案春秋天子有隧以羨道下棺所以用碑者凡天子之葬掘地為方壙漢書謂之方中又方中之內先累槨於其方中南畔為羨道以蜃車載柩至壙從而載以龍輜從羨道而入至方中乃屬紼於棺之緘從上而下棺入於槨之中於此時用碑繹也又云以言視桓楹不云碑知不似碑形故云如

大楹耳通而言之亦謂之碑也四植謂之桓
按說文桓亭郵表也謂亭郵之所而立表木
謂之桓即今之橋旁表柱也今諸侯二碑兩
柱為一碑而施鹿盧故云四植謂之桓也周
禮桓圭而為雙植者以一圭之上不應四柱
但緣為二柱象道旁二木又宮室兩楹故雙
植謂之桓也大夫亦二碑但柱形不得麤大
所以異於諸侯也

韻會舉要碑字

註說文堅石紀功德從石卑聲徐曰按古宗廟立碑以繫牲耳後人因於其上紀功德此碑字從石秦以來制也七十二家封禪不言碑七十二家封禪之言始於管仲不言碑穆天子傳乃為名迹於弇茲石上亦不言碑也銘勒功德當始於宗廟麗牲之碑也又祭義麗牲䟽賈氏曰官必有碑士昏禮聘禮入門當碑揖則大夫士廟內皆有碑鄉飲酒鄉射三揖則庠序之內皆有碑據祭則諸侯

廟內有碑碑所以識日景觀碑景邪正以知
早晚宮廟用石為之葬碑取懸繩綵暫時往
來運載當用木而已喪大記註天子用大木
為碑謂之豐碑諸侯樹兩大木謂之桓楹檀
弓註鄭氏曰斲大木形如石碑於椁四角樹
之穿中為鹿盧下棺以綵繞天子六綵四碑
諸侯四綵二碑士二綵無碑又釋名云碑被
也葬時所設臣子追述君父之功以書其上
徐曰劉熙言起於懸棺之碑者益今神道碑

也初學記碑悲也所以悲往事今人墓隧宮室之事通謂之碑矣

事祖廣記云管子曰無懷氏封泰山刻石紀功秦漢以來始謂刻石曰碑蓋因喪禮豐碑之制也刻碑當以無懷為始而名焉自秦漢也陸龜蒙叢自書曰碑悲也古者懸而窆用木書之以表其功德因留之不忍去碑之名由是而得自秦漢以降生有功德政事者亦碑之而又易之以石失其稱矣此又德政有碑

之起也陸法言廣韻曰碑碣李斯造宜始於
嶧山之刻爾釋名曰本葬時所設臣子追述
君父之功以書其上

事祖廣記云古之葬有豐碑以定秦漢以來死
有功業生有德政者皆碑之稍改用石總謂之
碑晉宋之世始又有神道碑天子及諸侯皆有
之

其刻文止曰某帝或某官神道之碑今世尚
有宋文帝神道碑墨本也其初由立於葬兆

之東南地理家言以東南為神道故以名碑
爾按後漢中山簡王薨詔為之脩塚塋開神
道註云墓前開道建石柱以為標謂之神道
是則神道之名在漢已有之也晉宋之後易
以碑刻云

墓誌墓碑文詞各異

如云千載之後陵谷變遷知其為良吏之壙
其勿毀焉又云兩殯鴈行同域也而不同藏
之類止可施於墓內不可作碑用如文詞有

可通用則或為墓誌或為墓道之碑亦可也
但碑上不言誌字止曰某官某人墓碑或云
墓碣

墓誌之始

事祖廣記云多轂子曰齊王儉云石誌不出禮
經起宋元嘉中顏延之為王球作墓誌以其無
銘誄故紀行自爾遂相祖習

按魏侍中繆襲改葬父母制臺下埋立將以
陵谷遷變欲後人有所聞知但記姓名歷官

祖父姻媾而已有德業則為銘文又隋代釀
家于王戎墓得銘云晉司徒安豐元公王君
之銘有數百字則魏晉已有其事不止于宋
也馮鑑續事始云西京雜記前漢杜子春一
作攷子夏臨終作文命刻石埋于墓前恐墓
誌因此始也昔吳季札之喪孔子銘其墓曰
嗚呼有吳延陵季子之墓莊子衛靈公葬沙
丘掘得石椁銘曰不馮其子靈公奪而埋之
唐開元時人有耕地得比干墓誌刻其文以

金石錄 卷六
銅盤曰右林左泉後岡前道萬世之寧茲焉
是悼漢滕公夏侯嬰得定葬石銘曰佳城鬱
鬱三千年見白日吁嗟滕公居此室則墓之
有誌其來遠矣吳李沐之舟小千歲其墓曰

碑碣制度

諸碑碣五品以上立碑螭首龜趺二品以上上高
不得過一丈二尺五品以上上高不得過九尺
七品以上立碣圭首方趺上高四尺三品以上
神道碑碑於墓隧道之左面南立螭首龜趺有

依品從合得尺寸疑大平衛亦曰之曰要下對
按司馬公曰今式墳碑石獸大小多寡各有
品數蓋葬者當為無窮之規後世見此等物
安知其中不多藏金玉耶是皆無益於亡者
而反有害故今式有貴得同賤賤不得同貴
之文然則不若不用之為愈也
五品以下不銘碑謂之墓碣圭首方座以立石
人石柱石羊石虎各有合得之數

墓誌制度

墓誌納之墓中柩前平放其狀如方石斗二底撮面平而不凹大小無定制

正上一斗於平面上大字題某官某人墓誌銘曾見古墓中石誌制度如此墓記上一斗止寫某人墓誌不書銘字下一斗上作小字書前一行刻云某官某人墓誌銘并引或言有序或言并序後書序并銘刻畢以丹填之上下二斗字並用丹填二斗相合四角以薄石片搯起搯石如錢大厚薄亦如之但要使

二石實相壓着

家禮云下誌石

云墓在平地則於壙內近南先布磚一重置

石其上又以磚四圍之而覆其上墓在山側

峻處則於壙南數尺間掘地深四五尺依此

法埋之

墓表制度

家禮云墳高四尺立小石碑於其前亦高四尺

跌高尺許

按孔子防墓之封其崇四尺故取以為法用
司馬公說別立小碑但石須濶尺以上其厚
居三之二圭首而刻其面如誌之盖乃述其
世系名字行實而刻於其左轉及後右而用
為婦人則俟夫葬乃立面如夫亡誌盖之刻
表墓石立於墓前四圍之而壽其土墓亦山
就地埋定上題云某人之墓無文詞墓雖無
碑者亦當立此石

石人羊虎柱制度

事祖廣記云多轂子曰秦漢以來帝王陵寢有石麟辟邪兕馬之屬人臣墓有石人羊虎柱之類皆表飾墳壠如生前儀衛

按風俗通曰方相氏葬日入壙逼罔象罔象好食死人肝腦人臣不能備方相乃立其象于墓側又罔象畏虎與栢墓前立虎也盧思道西征記曰新城西有漢旌陽太守墓有石柱東南有亭因石柱為表漢霍去病墓在祁連山立石人馬然則墓前之立石人柱羊虎

之類皆起於漢也又唐達北紀行云山頭澗
底石漸稀盡向墳前作羊虎

金制諸葬儀一品官石人四事石虎石羊石柱
各二事三品二品減石人二事四品五品又減石
柱二事

墓圖

古金石例云墓圖作方石碑先畫墓圖有作圖
象內畫墓樣各標其穴某人其石嵌之祭堂壁
上無祭堂則嵌圍牆上

宗父圖碣二一埋中宮之下一立中宮之上太原以墳塋中心為宅神亦中宮之義也

按祭堂瓦花頭皆寫云某氏千秋墓孰亦然南陽宗資墓前人有得古花頭瓦其花頭刻云宗氏千秋今石刻在申州刺史宅凡祭堂二於中宮左右建

家禮云刻誌石

用石二片其一為蓋刻云有宋某官某公之墓無官則書其字曰某若某甫其一為底刻

云有宋某官某公諱某字某某州某縣人考

諱某某官母氏某封某年月日生敘歷官遷

次某年月日終葬

于某處某里娶某處某氏某

人之女子男某某官女適某官某人婦人夫

在則蓋云有宋某官姓名某封某氏之墓無

封則云妻無官則書夫之姓名夫亡則云某

官某公某封某氏夫無官則云某君某甫妻

某氏其底叙年若干適某氏因夫子致封號

無則否葬之日以二石字面相向而以鉄束

東之埋之壙前近地面三四尺濶蓋慮異時
陵谷變遷或誤為人所動而此石先見人有
知其姓名者庶能為掩之也

諸墳塋地一品四面各三百步二品二百五十
步三品二百步四品五品一百五十步六品以
下一百步庶人及寺觀各三十步若經恩錫及
山谷內已業荒田者不在步數之限

古今碑石同異

漢碑有銘詞亦有無者今神道碑并墓碣有銘

詞者有無銘詞者

墓碑無銘詞刻墓前石柱上亦有刻在碑上者

蒼崖先生金石例卷之一

蒼崖先生金石例卷之二

鄱陽楊本編輯校正

金石文之始

周禮王功曰勲國功曰功民功曰庸事功曰勞
治功曰力戰功曰多凡有功者銘書於王之太
常

禮記曰夫鼎有銘銘者自名也自名以稱揚其
先祖之美而明著之後世者也為先祖者莫不
有美焉莫不有惡焉銘之義稱美而不稱惡此

孝子孝孫之心也唯賢者能之銘者論譔其先祖之有德善功烈勲勞慶賞聲名列於天下而酌之祭器自成其名焉以祀其先祖者也顯揚先祖所以崇孝也身比為順也明示後教也夫名者一稱而上下皆得焉耳矣是故君子之觀於銘也既美其所稱又美其所為為之者明足以見之仁足以與之知足以利之可謂賢矣賢而勿伐可謂恭矣故衛孔悝之鼎銘曰六月丁亥公假于太廟公曰叔舅乃祖莊叔左右成公

成公乃命莊叔隨難于漢陽即宮于宗周奔走
無射啓右獻公獻公乃命成叔纂乃祖服乃考
文叔與舅耆欲作率慶士躬恤衛國其勤公家
夙夜不解民咸曰休哉公曰叔舅予女銘若纂
乃考服悝拜稽首曰對揚以辟之勤大命施于
烝彝鼎此衛孔悝之鼎銘也古之君子論譏其
先祖之美而明著之後世者也以比其身以重
其國家如此子孫之守宗廟社稷者其先祖無美而
稱之是誣也有善而弗知不明也知而弗傳不

仁也此三者君子之所耻也昔者周公旦有勲勞於天下周公既歿成王康王追念周公之所
以勲勞者而欲尊魯故賜之以重祭外祭則郊社是也內祭則大嘗禘是也夫大嘗禘升歌清廟下而管象朱干玉戚以舞大武八佾大厦此天子之樂也康周公故以賜魯也子孫纂之至于今不廢所以明周公之德而又以重其國也春秋左氏傳曰季武子以所得於齊之兵作林鍾而銘魯功焉臧武仲謂季孫曰非禮也夫銘

天子德諸侯言時計功大夫稱伐今稱伐則下
等也計功則借人也言時則妨民多矣何以為
銘且夫大伐小取其所以作彝器銘其功烈
以示子孫昭明德而懲無禮也今將借人之力
以救其死若之何銘之小國幸於大國而昭所
獲焉以恕之亡之道也

國語曰昔克路之役秦來圖敗晉功魏顆以其
身却退秦師于輔氏親止社回其勲銘於景鍾
克勝也魯宣王五年六月癸卯晉荀林父將

滅赤狄路氏七月秦桓公伐晉次于輔氏晉
景公治兵以畧狄土及頷魏顆敗秦師于輔
氏獲杜回景鍾景公鍾也

碑式

衢州徐偃王廟碑

平淮西碑

曹晟王碑

南海神廟碑

處州孔子廟碑

柳州羅池廟碑

黃陵廟碑

箕子碑

道州文宣王碑

柳州文宣王碑

終南山祠堂碑
太白山祠堂碑

湘源二妃廟碑
饒娥碑

南霽雲睢陽廟碑
后土神祠碑

唐天下放生池碑
禹穴碑

表忠觀碑
潮州韓文公廟碑

伏波將軍廟碑
壽域碑

四皓廟碑
披雲堂碑

東平行臺嚴公祠堂碑
祭孤魂碑

文子廟碑
漢高祖廟碑

漢光武廟碑

處士管寧廟碑

碑陰文式

碑陰文

碑陰記

大明碑陰

先友記

處州孔子廟韓文公碑陰記

德政碑之始

雍州王密德政碑

易州田仁琬德政碑

高陵縣令劉君德政碑

墓碑式

清邊郡王楊燕竒碑文

韓退之

權公墓碑

劉統軍碑

王黃華墓碑

元遺山

寄庵先生墓碑

費縣令郭明府墓碑

宣武將軍孫君墓碑

神道碑之始

事祖廣記云晉宋之世始又有神道碑天子及諸侯皆有之其刻文止曰某帝或某官神道之碑今世尚有宋文帝神道碑墨本也其初猶立之于葬兆之東南地理家言以東南為神道若

金石錄 卷六
神靈出遊道之境唐李夷簡臨終勅無碑神道
故以名碑爾

神道碑式

唐銀青光祿大夫守右散騎常侍致仕上柱
國襄陽郡王平陽路公神道碑銘

唐故河東節度觀察使滎陽鄭公神道碑文
唐故中散大夫少府監胡良公墓神碑

唐故江南西道觀察使贈右散騎常侍太原

王公神道碑

平章政事壽國張公神道碑

家廟碑式

立家廟自有品從唐人一品以上得立餘不得
立碑與墓碑制文同曾見永寧縣西寺有文潞
公家廟碑是司馬溫公撰制度與墓碑同碑宜
立之家廟前

司馬溫公撰文潞公家廟碑其畧云公以廟
堂公輔不敢作主用晉荀安昌公制作神板
采唐周元陽議祀以元日寒食春秋分冬夏

至致齋一日又以式板詔之四方不常其居
乃酌古諸侯載遷主之義作車奉神板以行
此皆祀之從宜者也

先廟碑式

烏氏廟碑銘云壬辰詔用烏公為銀青光祿大
夫河陽軍節度使兼御史大夫封張掖郡開國
公居三年河陽稱治詔贈其父工部尚書且曰
其以廟享即以其年營廟于京師崇仁里軍佐
竊議曰先公既位常伯而先夫人無加命號名

差卑於配不宜語聞詔贈先夫人劉氏沛國太夫人八年八月廟成三室同宇祀自左領府君而下作主于第乙巳升于廟

丞相代國公王涯先廟碑云唐制五等有爵服而無山川祭于三事得立四廟備物崇祀以交神明敬先孝治以輔孝治有國之令典也唯長慶三年前相國王公始卜廟于西京崇業里公時鎮劍在川上章曰臣涯官秩印綬品俱第三請如式以奉家制曰可是歲仲冬申命長男孟

望附其主于三室明年公入為御史大夫浚以十一月親行蒸嘗間歲公出梁州就拜司空祀崇異數廟加祀室太和二年增新室既成祔顯考上尊位告嚮由禮

先塋先德昭先等碑式

安肅郝氏先塋之碑云宣差五路萬戶郝侯和尚貞祐今年夏五朔朝行闕對于幄殿者餘七十日且以上厩馬一西域馬二彫弓四鎧冑三金錦三并金虎符錫之夫人劉氏亦拜雙錦

之賜 按郝氏安肅人葬于縣之元兔鄉千秋
里者不知幾昭穆矣曾大父諱廣資善良有陰
德聞里中年八十三遇異人教之良禁齒髮更
生又十年乃終妣曰劉氏大父諱全任夾尚氣
勇於赴難有朱家郭解之器妣曰田氏生二子
侯之父諱增氣節豪宕人多歸之不幸蚤世妣
曰孫氏從上三世皆潛德不耀獨叔父老自承
平時以貲為恩州酒務使次令安肅迄今康寧
壽考坐饗榮養歲時問安孫息滿前郝宗陽報

之慶斯濫觴也雖侯襲已積之善擁方來之福
其生子如此祖考可以無恨矣元遺山今氣
歸德府總管范陽張公先德碑云范陽張公漢
臣遣其叅佐陳价李侃侯珩自曹南走書幣及
予於順天書謂予曰子良不敏爰自束髮以良
家子隸軍籍轉戰南此將四十年馮籍先世積
善之舊生還鄉國乃辛丑某月得用侯伯之服
之禮展省墳墓考之令甲諸仕及通貴屈與墓
俱有碑應用螭首龜趺之制竊不自揆度思得

文士之見信于人者撰述之

維張氏族出范

陽其家于縣東仇家里者不知其幾昭穆矣自
公曾大父甲而下皆隱德不耀大父臣甫資稟
高亮壽八十有七怡然坐逝祖妣王氏李氏
生子三人其季純質有父風明昌壬子之
夏三水泛濫漂壞廬舍至于上隴亦為湮沒珪
與長女李乘船筏百計訪求僅得祖考遺骸於
泥淖之下其涉於死者屢矣妣宋氏慈仁勤儉
孝於舅姑生子二人長即公次曰子明仕為鄜

州路郭主簿母有前識謂公材幹特達後當貴
顯常戒之母妄殺以仁愛為懷墓故在三水之
陽懲創水禍改卜其陰乃在所居之西南原見
于辛丑新阡者特二世耳初以大安兵興公以
材選為軍中千夫長故予既論次其先德并
以公出處附之欲人知張氏所以起其家者蓋
如此

鄒平賈氏昭先之碑云賈氏世為濟南鄒平人
祖諱某以敦斂自尚二子長諱某次諱某尚書

君父也卒年六十四配王氏

癸巳三月二十

日年七十卒二子曰馴致道君曰某以字顯監
濱州稅孝友有為四女長適王氏次李氏次段
氏次王氏皆濟南盛族劉中庵

賜碑名號之始

退朝錄云唐太宗自撰魏元成碑德宗亦撰段
秀實碑本朝太宗中令趙公碑皇祐中王侍郎
融守河中還乃以唐明皇所題裴耀卿額上之
仁宗遂御篆沂公碑曰旌賢

賜碑名號式

旌賢王沂公碑
懷忠呂許公碑

顯忠李忠武公碑
旌忠寇萊公碑

全德元老王太尉碑
教忠積慶文潞公父碑

親賢李侍郎用和碑
褒親齊國獻和公主碑

旌功曹襄悼碑
崇儒了文簡碑

舊覺晏元獻碑
舊德張鄧公碑

顯先積慶趙中令子鼎昭碑

旌忠懷德張侍中耆碑
儒賢高文莊碑

思賢李相沆碑
褒賢范文正公碑

旌忠元勲狄忠襄碑
褒忠陳恭公碑

清忠王武恭碑
純孝張文孝碑

忠規德範宋元憲碑
淳德守正呂文穆碑

大儒元老賈公碑

賜碑名號式

旌賢王沂公碑

懷忠呂諤公碑

顯忠李忠武公碑

旌忠冠某公碑

全德元老王太尉碑

教忠績慶文裕公公碑

大節元美賈公軀碑

褒親齊國獻和公主碑

忠貞忠貞宋氏憲軀

敦崇守五岳天縣軀

素忠王先恭軀

無華恭女恭軀

至忠元熈外忠集軀

察忠刺恭公軀

蒼崖先生金石例卷之二 贊英天五公軀

蒼崖先生金石例卷之三

鄱陽楊本編輯校正

碣式

國子司業陽城遺愛碣云公名城字亢宗家于
北平隱于條山惟公端粹冲和高凝懿醇道德
仁明孝愛友悌薰襲里閭布聞天下守節貞固
患難不能遷其心怡性坦厚榮位不足動其神
為司諫議震于時行為司業愛加于生徒宜乎
立石俾後是憲其辭曰惟茲陽公履道葆醇爰

初隱聲覆篲基仁德充而形乃作諫臣抗忠勵
義直道是陳帝求師儒貳我成均開朗蒙滯宣
明德教大和潛布玄機密照羣生聞禮後學知
孝進退作則動言是效匪公之軌人用奚蹈羸
厲貪凌待公順之欺偽譎詐待公信之少年申
申咸適其宜榎楚廢弛尊嚴而威公褒其良俾
升于堂癯者既肥榮如袞衣公棄不用懲咎內
訟既訟于內猶公之誨匪仁孰親匪德孰尊今
公于征孰表儒門生徒上言稽首帝聞謂天蓋

高曾莫我聞青衿涕濡填街盈衢遠逸于南望
慕踟躕立石書德用揚懿則嗚呼斯文遺愛罔
極

見六十八卷四民

卷四民

故御史周公碣云有唐貞臣汝南周氏諱某字
某以諫死葬于某貞元十二年柳宗元立碣于
其墓左在天寶年有以諂諛至相位賢臣放退
公為御史抗言以白其事得死于墀下史臣書
之公之死而佞者始畏公議銘曰忠為美道是
履諫而死佞者止史臣之志石以紀為臣軌兮

故秘書省校書郎獨孤君墓碣云嗚呼有唐仁人獨孤君之墓祔于其父太子舍人諱助之墓之後自其祖贈太子少保諱問俗而上其墓皆在霸水之左今王父營陵于其側故再世在此君諱申叔字子重年二十二舉進士又二年用博學宏詞為校書郎又三年居父喪未練而歿蓋貞元十八年四月五日也是年七月十日而葬鄉曰某鄉原曰某原

柳子厚

墓碣式

故兵部郎中楊君墓碣云君諱凝字懋功唐貞元十九年正月某日守尚書兵部郎中楊君卒某月日葬于奉先縣某原既葬其子姪洎家老謀立石以表于墓葬令曰凡五品以上為碑龜跌螭首降五品為碣方跌圓首其高四尺按郎中品第五以其秩不克偕降而從碣之制其世系則紀于大墓柳子厚

故萬年令裴府君墓碣云公諱瑾字封叔河東聞喜人太尉公諱行儉實高祖侍中公諱光庭

實曾祖刑部員外郎府君諱積實祖大理卿府
君諱敬實父冢子某奉柩以明年月日克葬
于墓銑以文書來柳州告其舅宗元願碣于
墓左則涕為之銘

墓誌式

故尚書戶部郎中魏府君墓誌云魏氏世墓于
某縣某原唐興有聞上諱之逝者與子及孫咸
舉進士嗣為儒家綿州涪城尉諱全瑤魏州臨
黃主簿諱欽慈太常主簿諱緄尚書膳部員外

卽無江陵少尹諱萬戎凡五代名高而不浮於
行才具而不得其祿江陵府君益之以閱達之
量經緯之謀故豪士賢大夫痛慕加厚生卽中
府君諱弘簡字曰裕之以文行知名監察御史
柳宗元聞其道而玩其文也以久居又同閔故哀
而銘之

柳子厚

安南都護張公誌云公諱舟字某某郡人也曾
祖老師朝散大夫尚書駕部卽中祖瑾懷州武
德縣令考清朝議卽試大理寺丞贈右贊善大

夫咸有懿美積為餘慶公以忠肅循其中以文
術昭于外推經旨以飾吏事本法理以平人心
優詔累旌其忠良太史嗣書其功烈就加國子
祭酒封武城男食邑三百戶凡再策勲至上柱
國三增秩至中散大夫某年月薨于位年若干
天子震悼傷辭有加明年其孤某官與宗人號
奉裳帷率其家老咨于叔父延唐令某卜宅于
潭州某原葬用某月某日人謀皆從龜兆襲吉
乃刻茲石著公之闕以志于丘窆以告于幽明

貴州刺史鄧君誌云君諱某字某南陽人漢司徒禹之世也曾祖倚皇連州普城令祖少立皇滄州司馬考邕皇左武衛兵曹叅軍惟君敏給以御下廉忠以承上幹蠱之稱洽于諸侯信謹之跡彰于所莅故自始仕以至沒世未嘗無聞焉始由湖南為江西再以君為從事知之最厚痛君之能不施于劇任惜君之志見屈于羣疑且以誌授宗元使備其闕古者觀其所使而知在上之德今也觀其所使而知在下之誠嗚呼

可無辭乎

桂管防禦副使呂公誌云呂氏世居河東至延之始大以御史大夫為浙東道節度大使延之生渭為中書舍人尚書禮部侍郎刺湖南七州生四子溫恭儉讓以溫為尚書郎再贈至右僕射恭字敬升他名曰宗禮或以為字實惟呂氏宗子尚氣節有勇畧不事小謹讀從橫書理陰符樞機孫子之術曰我師尚父胄也不幸溫刺衡州年四十卒恭未及理人年三十七又卒世

固有其具而不及其用若溫恭者耶恭貌竒壯
有大志信善容物宜壽考碩大而又不克呂氏
之道惡可興

祕書郎姜君誌云祕書郎姜粵字某開元皇帝
外係也始楚國公皎與上游益貴幸子慶初得
尚某公主生粵粵生三日上曰他物無以餉吾
孫即勅有司以第六品告與緋衣銀魚得通籍
出入凡名是官七十某年終不徙元和十四年
月日終桂州都督御史中丞裴公曰噫帝戚也

葬不可以廉為具物祭以豚酒月日葬州東南
十里子某年若干母曰雷姬
董府君墓誌云公諱溪字惟深丞相贈太師隴
西界惠公第二子十九歲明兩經獲第有司沉
重精敏未嘗有子弟之過賓接門下惟舉人士
侍側無虛口退而見其人淡若與之無情者太
師賢而愛之除名徙封州元和六年五月十二
日死湘中年四十九歲公之母弟全素孝慈友
弟公坐事棄同官令歸公沒比葬三年哭泣如

始喪者大臣高其行白為太子舍人將葬舍人
與其季弟澣問銘于太史氏韓愈愈則為之銘
韓退之

葬誌式

馬室女雷五葬誌云馬室女雷五父曰師儒業
進士雷五生巧惠異甚凡事絲續文繡不類人
所為者余覩之甚駭家貧歲不易衣而天姿潔
清脩嚴恒若簪珠璣衣紈縠寥然不易為塵垢
雜年十五病死死後二日葬永州東郭東里以

其姨母為于余也將死曰吾聞柳公嘗巧我
惠我今不幸死矣安得公之文志我葬其父母
不敢以云葬之日余乃聞焉既而閱焉以攻石
之後也遂為砂書玄瑋追而納諸墓柳子厚

殯誌

志從父弟宗直殯云從父弟宗直生剛健好氣
自字曰正夫聞人善言以為己師聞惡若己讐
見佞色諂笑者不忍與坐語善操觚牘得師法
甚備融液屈折奇峭博麗知之者以為工作文

辭淡泊尚古謹聲律切事類撰漢書文章為四十卷是月二十四日出殯城西北若干夫死七日矣俟吾歸與之俱志其殯

權厝誌式

刺史崔君權厝誌云博陵崔君由進士入山南西道節度府始掌書記至府留後凡五徙戢六增官至刑部員外郎出刺連永兩州未至永而連之人懇君御史按章具獄坐流驩州幼弟訟諸朝天子黜連帥罷御史小吏咸死投之荒外

而君不克復元和七年正月二十六日卒夫人
河東柳氏德碩行淑先崔君十年卒其葬在長
安東南少陵北君以竄沒家又有海禍力不克
祔三年將復故葬也徒志有一二大者云

柳子厚

亡姑渭南縣尉陳君夫人權厝誌云唐貞元十
七年九月六日甲子前渭南縣尉潁川陳君之
夫人河東柳氏終于平康里將終告于陳君曰
吾生四十有四年為陳氏价婦九年謹飭不怠

以至此命也嘗謂君宜有貴位而不克見執親之喪不得終紀皆天譴之大者也且願殺禮以成吾私延先夫人之墓而窆我焉將俟君之不諱而歸復于正其可也陳君乃卜十二月十八日權厝于城南原曰棲鳳如夫人之志

連州司馬凌君權厝誌云年月日尚書都官員外郎和州刺史連州司馬富春凌君諱準卒于桂陽佛寺執友和東柳宗元哀君有道而不明白于天下離愍逢尤夫其生且又同過故哭以

為誌其辭哀焉

歸祔誌式

先夫人歸祔誌云先夫人姓盧氏諱某世家涿郡壽止六十有八元和元年歲次丙戌五月十五日棄代于永州零縣佛寺明年某月日安祔于京兆萬年棲鳳原先侍御史府君之墓其孤有罪銜哀待刑不得歸奉喪事以盡其志姪洎大夫人兄之子弘禮承事焉靈車遠去而身獨止玄堂暫開而目不見孤囚窮絜鬼遊心壞

蒼天蒼天有如是耶有如是耶而猶言猶食者
何如人耶已矣窮天下之聲無以舒其哀矣盡
天下之辭無以傳其酷矣刻之堅石措之幽陰
終天而止矣

柳子厚

叔妣陸氏夫人遷祔誌云夫人諱則字內儀姓
陸氏家于吳郡蓋江左上族以宗子在他國家
牒逸墜故曾王父王父之諱官不克究知而闕
其文父覃皇河南陸渾令夫人生而柔筭而禮
會伯舅為河南尹撰擇僚案謂我文學掾仲父


金石錄
卷之五
十一
士林殊英儒流推高故夫人歸于我夫人之志也遂以其年十二月十三日庚午合祔于少陵原之墓恭惟仲父之諱字夫人之爵齒備于版文今不書懼再告也

墓版文式

故叔父殿中侍御史府君墓版文云柳氏之先自皇帝及周魯其著者無駭以字為展氏禽以食菜為柳姓厥後昌大世家河東嗚呼公諱某字某曾王父朝請大夫徐州長史諱子夏遺貞

白之操表儀宗門王父朝請大夫滄州清池令
諱從裕垂博裕之道啓佑後胤皇考湖州德清
令諱察躬小子常以無兄弟移其睦于朋友少
孤移其孝於舅父天將窮我而奪其志故罔極
之痛仍集焉朴魯甚駭不能文字敢用書宗人
之辭以致其直故質而俚輟哭紀事哀不能文
故敘而終焉

柳子厚



士林不英儒流雅高故夫人歸

也遂以其年十二月十三日庚

妯娌而慈焉林子早諱字夫人之爵高備于

之籍心疑其直姑質而野躑哭

之南西集高林曾甚翹不繪文

亦終其萃林於天淵窳姁而

今鞠察律中平常必無以

鞠公谷海野林之前香酌

蒼崖先生金石例卷之三

蒼崖先生金石例卷之四

豐陵農之松
詒雙鹿書

周
良金

鄱陽楊本編輯校正

銘文之始

事祖廣記云蔡邕曰黃帝有金凡之名王子年拾遺記曰黃帝以神金鑄器皆有銘題凡所造建皆記其年時此銘之起也

三禮圖云檀弓曰銘明旌也以死者為不可別已故以其旗識之

士註明旌神明之旌也

金石錄卷之二十四
三十四
士喪禮云為銘各以其物亡則以緇長半幅
末長終幅廣三寸書銘于末曰某氏某之柩

註銘明旌也雜帛為物大夫之建也以死者
為不可別故其旌識之愛之斯錄之矣亡無
也無旌不命之士也半幅一尺終幅二尺在
棺為柩今文銘皆為名末為旆也

竹杠長三尺置于宇西階

註杠銘幢也宇棺也

周禮司常大喪則供銘旌

註王則太常司常職云王建太常諸侯建旂
孤卿建旌大夫士建物則銘旌亦然但尺數
異耳禮緯云天子之旌高九仞諸侯七仞大
夫五仞士三仞其士喪禮竹杠長三尺則死
者以尺為仞也天子九尺諸侯七尺大夫五
尺士三尺其旌旗身亦以尺為仞也又從遣
車之差蓋以喪事畧故也若不命之士則士
喪禮云以緇布半幅長一尺也頰其末長終
幅長二尺也緇頰共長三尺廣三寸書銘于

末曰某氏某之柩竹杠長三尺置于宇西階
上禮記云祭器亦半剖為二只也其末具於
荀禮論云祭祀敬事其神也其銘誄繫世敬傳
其名也

註銘謂書其功于器物若孔悝之鼎銘者誄
謂誄其行狀以為謚也繫世謂書其傳襲若
今之譜牒也皆所以敬傳其名于後世
禮祭統銘之義稱美而不稱惡此孝子孝孫之
心也銘者論著其先祖之有德善功烈勲勞慶

賞聲名于天下
前輩云銘婦人墓當詳于家世議論取法于韓退之退之所作蓋出于碩人之詩觀其銘元稹妻韋夫人墓可見矣

銘式

權德輿世德銘

乃權公紀先世之德也
四言無序此又一例也云肅行

我祖玄鳥自天天乙革夏武丁相賢手文命子
開國于權末云聿脩之誠大懼不克夙夜以思
敢銘世德

唐故悼王石塔銘并序云唐開元五年歲在丁巳四月庚午朔二十二日庚寅故悼王薨於上陽之中禁曰二歲而未及周嗚呼哀哉王即開元神武皇帝第九之愛子也以其月二十七日景申葬于萬安山之東南嶺壙唯五尺棺不三寸壘石塔一丈于其上不雕不甃從尚薄也其銘曰角有萬安兮北有洛城城可望兮天之京嗚呼悼王寧不戀兮嗚呼悼王寧不見兮倚素塔兮凌翠微空不礙兮雲則飛嗚呼悼王兮其

何歸

蘇頌

河中府法曹張君墓碣銘云君字直之祖驩父
孝新皆為官汴宋間君嘗讀書為文辭有氣有
吏才嘗感激欲自奮拔樹功名以見世初舉進
士再不第因去事宣武軍節度使得官至監察
御史坐事貶嶺南再遷至河中府法曹叅軍攝
虞鄉令有能名進攝河東令又有名遂署河東
從事絳州闕刺史攝絳州事能聞朝廷元和四
年秋有事適東方既還八月壬辰死于汴城西

雙丘年四十有七明年二月日葬河南偃師妻
彭城人世有衣冠祖好順泗州刺史父泳卒蘄
州別駕女四人男一人嬰兒沐也是為銘

韓退

之

文公墓銘南齊書卷之四十四

故相權公墓銘云權在商周世無不存滅楚徙
秦嬴劉之間甘泉始侯以及安丘詆訶浮屠皇
極之扶貞孝之生鳳鳥不至爵位豈多半途以
稅壽考豈多四十而逝惟其不有以惠厥後是
生相君為朝德首行世祖之文世師之流連六

官出入屏毗無黨無讐舉世莫庇人所憚為公
勇為之其所兢馳公絕不窺孰克知之德將在
斯刻詩墓碑以永厥垂

覃季子墓銘云覃季子其人生愛書資甚尤介
特不苟受施讀經傳言其說數家推太史公班
固書下到今橫堅鈎貫及且數十家通為書號
覃子史纂又取鬻老管莊子思晏孟下到今其
術自儒墨名法至于狗彘草木凡有益于世者
為子纂又百有若干家篤於聞不以仕為事黜

陟使其書以氏名聞除太子校書某年月日
死永州祁陽縣某鄉將死嘆曰寧有聞而窮乎
將無聞而豐乎寧介而躓乎將溷而遂乎葬其
鄉後若干年柳先生來永州戚其文不大于世
求其墓以石銘銘曰困其獨豐其辱

柳子厚

善人白公墓銘云齒以德尊師以道存習俗以
教遷惟仁人君子之所居若時雨然羽山之類
疵癘為蠲媿心發之考方學業復于譙玄禮所
以祠卿長者而傳書先賢在昔兵屯河曲雄邊

爰及公家乃誦乃絃身為義方奉之周旋兩息
蹠蹠起為儒先爰彼榮臺火伏在泉振而鼓之
有光屬天仲也銅章惠浹岐研叔也奉璋入侍
禁垣藹兮芝蘭之庭烟兮珠玉之淵州里趨風
媚學躑躑至于餘波所及且孝弟而力田古有
之種德欲深望歲百年有相之道理無空捐祿
匪我榮殆以為黨塾亡窮之傳樂石有銘表公
之阡曷配縣社之食尚有攷焉

元道山

墓誌銘式

裴君墓誌銘云裴為顯姓入唐尤盛支分族離
各為大家惟公之系德隆位細曰子曰孫厥聲
世繼晉陽之邑愉愉翼翼無外無私幼壯若一
何壽之不遐而祿之不多謂必有後其又信然
耶韓退之

韋夫人墓誌銘云詩歌碩人爰敘宗親女子之
事有以榮身夫人之先累公累卿有赫外祖相
我唐明歸逢其良夫夫婦獨不與年而卒以
夫實生五子一女之存銘于好辭以永于聞

息國夫人墓誌銘云男主外事治不為易施于
其家難其吏治又况公侯族大而貴夫人是專
厥聲惟懿昔在貞元有錫自天啓封備服以疇
勲時婉婉夫人有籍宮門克承其後以嫁以婚隨
葬東土在河之陽遙望公墳而不同藏
張君墓誌銘云履繁脩體柔嘉內美充福不遐
哀哀蒼天孰使然耶天耶人耶其父母耶從容
以思其得之耶茁其芽鬱其華其實孔多父播
而子獲穰穰滿家故曰其源濫觴其流江河淵

金石錄 四一
兮其未涯不有以浚之其末奈何然則古所謂
不於其躬以於其子孫者尚信然耶尚信然耶

墓碣銘

河中府法曹張君墓碣銘

已見銘式

遽然子墓碣銘云遽然子諱滋字濟甫姓趙氏
本出馮翊其大父天會元貞間來為汴梁戶籍
判官卒官下妻子不能歸遂為汴人父諱青字
漢卿遽然子二男長某次某兵亂中所失小子
尚幼二女次即孟卿所娶者遽然子春秋五十

有九以病終權葬于東平沂州門之外若干步
庚子歲除日予實銘之其銘曰積之之深守之
之堅傳人之所不傳兼人之所獨專自拔泥途
如蛻而僊文以表之慰彼下泉顧雖愛我豈以
一言而敢私焉

張遵古墓碣銘云茫茫之原纍纍之阡行人而
歸何千萬年有子而傳孰不欲揚其光今若獨
然脩德則人而死而不亡則天吾是以知其人
之賢

墓磚銘

下殤女子墓磚銘云孰致也而生孰召也而死
焉從而來焉往而止竟氣無不之也骨肉歸復
于此 柳子厚

小姪女墓磚銘云字為雅氏為柳生甲申死已
丑日十二月在九是日葬東岡首生而惠今則
夭始也無今何有質之微當速朽銘茲瓦期永
久

壙銘式

女孥壙銘云汝宗葬于是汝安歸之惟永寧韓退之

都陽楊本編錄校正

古墓表式

祭文表式 周景伯墓表 周燕腰墓表

李德元墓表 楊善言墓表 宋夫人墓表

僧氏夫人墓表 僧元天墓表 呂夫人墓表

司馬夫人墓表

墓表式

文通先生陸給事墓表 宋宗人墓表 尤宜寶以其

墓誌銘

下陽女子墓誌銘云淑致也而生孰居也而死
 而從而來為往而止竟氣無不之也骨肉歸復
 于此物子母

小姪女墓誌銘云字為雅氏為御生甲申死巳
 丑日十二月在九是日葬東岡首生而惠今則
 天始也與今何有實之微當速行銘茲无期永
 無

蒼崖先生金石例卷之四 女安親之郵永寧

蒼崖先生金石例卷之五

鄱陽楊本編輯校正

古墓表式

蔡致遠墓表

周景和墓表

周無晦墓表

李德元墓表

楊希節墓表

宋夫人墓表

智氏夫人墓表

唐元夫墓表

呂夫人墓表

司馬夫人墓表

墓表式

文通先生陸給事墓表云郡人陸先生質以其

師友天水啖助洎趙匡能知聖人之旨故春秋之言及是而光明使庸人小童皆可積學以入聖人之道傳聖人之教是其德豈不侈大矣哉先生字某既讀書得制作之本而獲其師友於是合古今散同異聯之以言累之以文蓋講道者二十年書而志之者又十餘年其事大備為春秋集註十篇辯疑七篇微旨二篇用是為天子爭臣尚書郎國子博士給事中皇太子侍讀皆得其道刺二州守人知仁永貞年侍東宮

言其所學為古君臣圖以獻而道達乎上是歲
嗣天子踐祚而理尊優師儒先生以疾聞臨問
加禮某月日終于京師某月日葬于某郡某里
將葬以先生為能文聖人之書通于後世遂相
與謚曰文通先生後若干祀有學其書者過其
墓哀其道之所由乃作石以表碣

柳子厚

殿中侍御史柳公墓表云唐貞元十二年二月
庚寅葬我殿中侍御史河東柳公於萬年縣之
少陵原公諱某字某邑居于虞鄉曾王父某官

王父某官皇考某官奕世餘慶叢而未稔濟德
流祉其後宜人秀而不實為善者惑嗚呼哀哉
故友諸生宗人外姻號慟會葬哀禮咸申克窆
玄堂掩坎廣輪顧盼無依徘徊增哀願勒休聲
延垂後賢于是汝南周公巢等相與琢石書德
用圖不朽文曰抱元淳稟粹和既強毅又柔嘉
登儀曹耀文章司學徒儒風揚自渭北佐朔方
戎政閑黔首康冠惠文垂衣裳才不施天茫茫
刊樂石篆遺德延休烈垂憲則于萬年長無極

朝列大夫張公墓表云公諱公著字庭俊姓張氏初名守以夢兆改焉世為太原陽曲人曾大父某知宋將亂隱居不仕大父祐好讀書尤長於術數卜葬山東之大石谷自言却後三十年吾宗當有文達者已而果然考諱某資稟寬緩輕財好施以詩書棋酒自適後因公貴封朝列大夫生三子公其季也先大夫履正奉公惟義所在死生禍福無所顧藉天下大夫士飽聞厭道之果得掛名表誌自託不腐鄉里晚生預有

榮焉敢不惟命是聽乃退而論次之而系之以
銘銘曰平易而仁卓魯之近民發奸摯強趙張
三王之所以神此在公為一節固以無望於時
之人若夫確固而不移質直而無文直前徑行
唯義所存有言責則致其忠有官守則致其身
名節凜然獨為不二心之臣文公之風益知鄙
夫之不可以事君

元遺山

善人白公墓表云公諱某字全道姓白氏公資
稟聰悟而謹厚自持畧通經史精究曆算中年

耽嗜佛書皆所成誦為人敦信義樂施予一言
所諾千金不易家人化之皆以賢行稱焉正大
中累贈中大夫輕車都尉南陽郡伯兩夫人南
陽郡太君維火山自太平興國中升為軍雖有
學校而肄業者無幾宣和末僅有上舍宋生歷
大定明昌官學之盛然後公之一子擢魏科取
美仕邦人築亭以榮鄉名之屏山李君之純為
作記辭與事稱相為不朽故公雖躬不受祉所
以起其家與善化一鄉者其利豈有既耶

先侍御史府君神道表云嗚呼先君之墓仲父
殿中君誌焉孤宗元不敢稱道先德然而無以
昭于外者用敢悉取仲父之所陳而繫其辭刻
茲石表先君諱鎮字某六代祖諱慶後魏侍中
平齊公五代祖諱且周中書侍郎濟陰公高祖
諱楷隋刺齊房蘭廓四州魯伯祖諱奭字子燕
唐中書令曾祖諱子夏徐州長史祖諱從裕滄
州清池令皇考諱察躬湖州德清令世德廉孝
颺于河澣士之稱家風者歸焉嗚呼宗元不謹

先君之教以陷大禍幸而緩于死既不克成先
君之寵贈又無以寧大夫人之飲食天殛荐酣
名在刑書不得手開玄堂以奉安祔罪惡益大
世無所容尚顧嗣續不敢即死支綴氣息以嚴
邦刑大懼祭祀之無主以忝盛德敢用特牲昭
告神道號叫萬里以畢其辭云

墳記式

韋夫人墳記云韋夫人終成都殯萬年遷柩渭
南祔而不合大葬未利以俟禮也其族系如某

人之誌則用元和十四年月日子某為石刻而
納諸壙

柳子厚

誄式

衡州刺史東平呂公誄云維唐元和六年八月
日衡州刺史東平呂君卒爰用十月二十四日
藁葬于江陵之野嗚呼君有智勇孝仁惟其能
可用康天下惟其志可用經百世不克而死世
亦無由知焉君由道州以陟為衡州君之卒二
州之人哭者逾月湖南人重社飲酒是月上戊

不酒去樂會哭于神所而歸余居永州在二州
中間其哀聲交于南北舟船之下上必呱呱然
蓋嘗聞于古而觀于今也君所居官為第三品
宜得謚于太常余惧州吏之逸其辭也私為之
誄以志其行其詞曰麟死魯郊其靈不施濯濯
夫子故絜其儀冠仁服義干櫓詩書忠貞繼佩
智勇承綦跨騰商周堯舜是師道不勝禍天固
余欺鬼神不怒妖孽咸疑何付之德而奪其時
嗚呼哀哉命姓惟呂勤唐以力輔寧萬邦受胙

爾國維師元聖周以降德世征王侯伊祖之則

嗣濟厥武前書

至是于式

化光爰耀其特春秋之元

儒者咸惑君達其道卓焉孔直聖人有心由我

而吾意已而自署其未與封敢告以請愈既與

為禮發書云云其末有復語千萬永訣八字名

日月與封皆孝權迹孝權為人孝謹與人語恐

傷之而時疑疑有

與孝權游者甚衆而獨以

其死累余可尚也已是為銘

東明張先生銘匪祿而康匪爵而榮漠焉以虛

充焉以盈言而不為華光而不為名介潔而周
流包涵而清寧幽觀其形與化相冥寂冥以成
其道是以勿嬰世皆狂奔利死名我獨浩浩
端一以生或曰先生友弟以遁慈幼以死若不
能忘情者何耶吾曰道去友耶去慈耶從容以
求其得之耶盪莽狠悻道之非耶且夫虧恩壞
禮枯槁顛頽隳聖圖壽離中就異歛然與鬼神
為偶頑然以木石為類倥侗而不實窮老而無
死先生之道固知異夫如此也乃書于石以紀

柳子厚

墓銘式

李元賓墓銘云已孳元賓壽也者吾不知其所
慕夭也者吾不知其所惡生而不泚孰謂其壽
死而不朽孰謂之夭已孳元賓才高乎當世而
行出乎古人已孳元賓竟何為哉竟何為哉
韓退之

施先生墓銘云先生之祖氏自施父其後施常
事孔子以彰讐為博士延為太尉太尉之孫始

為吳人曰然曰續亦載其跡先生之興公車是
召纂序前聞于光有曜古聖人言其旨密微箋
註紛羅顛倒是非聞先生講論如客得歸卑讓
肫肫出言孔揚今其死矣誰嗣為宗縣曰萬年
原曰神禾高曰尺者先生墓邪

盧君墓銘云盧君東羨愈謂立曰子東宜也行
不可一二舉且吾之生也後不與而祖接不得
詳也其大者莫若衆所與觀所與衆寡茲可以
審其德矣君祖未出而處也天下大夫士以為

與古之臯夔者侔耳可以為相其德不既大矣
乎講說周公孔子樂其道不樂從事於俗得所
從不擇外內奮而起其進退既不合於義乎銘
曰是可以示於今與後也歟立拜手曰唯唯君
祖子輿濮州濮陽令父同舒州望江令夫人之
祖延宗鄆州司馬父進成鄜州洛交令男一人
暢申易女三人皆嫁為士人妻墓在河南維氏
縣梁國之原某年月日元和二年二月十日云

行狀式

祖韓退之董公行狀如式開書餘並疏
始末於其下文體之異隨事詳酌焉

故金紫光祿大夫檢校尚書左僕射同中書門
下平章事兼汴州刺史充宣武軍節度副大使
知節度事管內度支營田汴宋濠潁等州觀察
處置等使上柱國隴西郡開國公贈太傅董公
行狀

曾祖仁琬皇任梁州博士

祖大禮皇贈右散騎常侍

父伯良皇贈尚書左僕射

公諱晉字混成河中虞鄉萬歲里人階累升
為金紫光祿大夫勲累升為上柱國爵累升為
隴西郡開國公娶南陽張氏夫人後娶京兆韋
氏夫人皆先公終四子全道溪全素澥全道全
素皆上所賜名全道為秘書省著作郎溪為秘
書省秘書郎全素為大理評事澥為太常寺太
祝皆善士有學行謹具歷官行事狀伏請牒考
功并牒太常議所謚牒史館請垂編錄謹狀

貞元十五年五月十八日故吏前汴宋毫穎
等州觀察推官將仕郎試祕書省校書郎韓
愈狀

唐故贈絳州刺史馬府君行狀云君諱某字某
其先為嬴姓當周之衰處晉為趙氏晉亡而趙
氏為諸侯其後益大與齊楚韓魏燕為六國俱
稱王其別子趙奢當趙時破秦軍闕與有功號
馬服君子孫由是以馬為氏拜太僕少卿疾病
一年貞元十八年七月二十五日終于家凡年

四十有五其弟少府監暢上印綬求追贈贈絳
州刺史布帛百疋夫人滎陽鄭氏王屋縣令况
之女有賢行侍君疾逾年不下堂食菜飲水藥
物必自擇將進輒先嘗方書本草恒置左右子
男一人赦前左衛倉曹叅軍敷右清道率府曹
叅軍女子二人在室雖皆幼侍疾居喪如成人
愈既世通家詳聞其世系事業今葬有期日從
少府請掇其大者為行狀託立言之君子而圖
其不朽焉

故秘書少監陳公行狀云五代祖某陳宜都王
曾祖某皇會稽郡司馬祖某皇晉陵郡司功叅
軍父某皇右補闕翰林學士贈秘書少監某州
某縣某鄉某里陳京年若干狀公姓陳氏自頴
川來隸京兆萬年胄貴里諱京既冠字曰慶復
舉進士為太子正字咸陽尉太常博士左補闕
尚書膳部考功員外郎司封郎中給事中秘書
少監自考功公來凡四命為集賢學士德宗登
遐公病痼興曳就位備哀敬之節由是滋甚遂

以所居官致仕貞元二十一年四月二十五日
終于安邑里夫其忠烈之褒也相府之有誠也
大廟之東向也昭陵之不更其故也官守之不
可奪也立言之不可誣也利之不苟就也害之
不苟去也其忠類朱雲其孝類潁考叔廉類公
儀休而又文以文之學以輔之而天子以為之
知既得其道又得其時而不為公卿者病也故
議者咸惜其始而哀其終焉公之喪凡五十四
日而夫人又沒毀也夫人之父曰偕司農卿祖

曰某贈太子太保某故集賢吏也得公之遺事
于其家書而授公之友以誌公之墓謹狀永貞
元年八月五日尚書禮部員外郎

柳宗元

論行狀語錄

朱子語錄云韓文千變萬化無心變歐陽有心
變杜祁公墓誌一件未了又說一件韓董晉行
狀尚稍長權德輿作宰相神道碑只一板許歐
蘇便長了

名號稱呼類

大行

李善文選註周書曰謚者行之跡是以大行受大名細行受細名風俗通曰皇帝新崩未有定謚故總其名曰大行皇帝

禮記曰天子死曰崩諸侯死曰薨大夫曰卒士曰不祿庶人曰死

註異死名者為人褻其無知若猶不同然也自上顛壞曰崩薨顛壞之聲卒終也不祿不終其祿死之言漸也精神漸盡也

禮記曰天王崩告喪曰天王登假措之廟立之
主曰帝

假音遐莊子其死登假三年而形遐 辨證

楚辭遠遊云載營魄而登霞兮掩浮雲而上
征朱氏註曰霞與遐同猶曰適遠云爾曲禮
告喪之辭乃又借以為死之美稱莊子作登
假蓋亦此例但此篇註者遂解為赤黃之氣
釋莊音又讀假為終而訓至焉則其誤愈遠
矣

禮記曰壽考曰卒短折曰不祿

註祿謂有德行任為大夫士而不為者老而死從大夫之稱少而死從士之稱

王父曰皇祖考王母曰皇祖妣父曰皇考母曰皇妣夫曰皇辟生曰父曰母曰妻死曰考曰妣曰嬪

韓魏公祭式元遺山記其大畧姑錄之古人書曾祖皇祖皇魏公易皇以顯字顯曾祖顯曾祖妣顯祖顯祖妣顯考顯妣妻先亡曰顯嬪妻祭

夫曰顯辟穆甫兄弟曰顯穆甫

諸三品官以上職事官身故者若係親賢勲舊
皆有司錄奏取旨贈官

官職未至而特旨追贈者不拘此限

諸謚職事以上三品散官一品以上從吏部勘
當善惡仍下所屬追取行狀關移禮部呈省聞
奏若有旨議謚而下太常寺擬謚訖申省議定
奏聞如有司不以時降行亦許本家陳情其官
職未至而德行超異者特旨議之人亦准此

古金石例云南京赤倉高太皇祖塋作昭穆葬
小兒子死共葬一處謂之學堂小女共葬一處
謂之綉堂列有乳母墳師友墳師友墳以葬門
客等

時忌字樣類

古金石例云不敢稱皇字與隧字

書碑額例

真字八分書謂之題額篆字則云篆額今畧舉
一二式附于後并撰書建立附

夫子廟堂記

駕部郎中程浩撰

朝議郎判尚書武部員外郎瑯琊顏真卿書
朝散大夫檢校尚書都官郎中東海徐浩篆
唐天寶十一載歲次壬辰四月乙丑朔二

十二日丙戌建

在記後

重脩蜀先主廟碑

儒林郎前鄭州防禦判官提舉學校常平倉
事武騎尉賜緋衣魚袋王庭筠撰書篆

柳州羅池廟碑

尚書吏部侍郎賜紫金魚袋韓愈撰

中書舍人史館脩撰賜紫金魚袋沈傳師書

朝議郎桂管觀察大使試大常寺協律郎上

柱國陳曾篆額

此與建
立俱在碑後

長慶二年正月十一日桂管都防禦先鋒

兵馬使朝散大夫試左衛長史孫季雄建

立

書碑陽例

蘇子瞻韓文公廟碑小字本後云軾再啓題于後

書碑陰例

後周尉遲迥碑在相下刻云蔡有隣書并陰又寶刻叢編云漢劉熊碑亦有碑陰

僧碑

論僧碑宜書不宜書柳子厚大明和尚碑陰凡葬大浮圖無竈穴其用於碑不宜然昔之公室禮得用碑以葬其後子孫因宜不去遂銘德行用圖久于世及秦刻山石號其功德亦謂之碑

而其用遂行然則雖浮圖亦宜也凡葬大浮圖
其徒廣則能為碑晉宋尚法故為碑者多法梁
尚禪故碑多禪法不周施禪不大行而律存焉
故近世碑多律凡葬大浮圖未嘗有比尼上主
碑事今惟無染實耒涕淚以求其志益堅又能
言其師他德尤備故書之碑陰

宋景文筆記論僧碑不宜書

論碑文合書不合書

歐陽永叔陳文忠公神道碑云公諱寔前娶曰

沂國夫人王氏子男十人長曰述古秦公三子
長曰堯叟為樞密使同中書門下平章事季曰
堯咨為武信軍節度使皆舉進第一人及第三
子已貴秦公尚無恙每賓客至其家公及伯季
侍立左右坐客臧躄不安求去秦公笑曰此兒
子輩耳故天下皆以秦公教子為法而以陳氏
世家為榮公之孫四十人曾孫二人合伯季之
後若子若孫若曾孫六十有八人女若孫五十
有四人而仕於朝者多以材稱於時嗚呼可謂

盛矣其文如此皆所宜書故備列之云
齊人曹元野云濟南李昌道作李千戶先塋碑
其間不書李千戶之妻某氏只寫子幾人其妻
怒元野漆上說知昌道公言不可書為婦人未
終如何敢書婦人此是前輩所傳如此

書銘陰例

唐相國房公德銘之陰云房瑄也天子之三公
稱公王者之後稱公諸侯之入為王卿士亦曰
公有土封其臣稱之曰公尊其道而師之稱曰

公楚之僭凡為縣者皆曰公古之人通謂年之
長者曰公唐之大臣以姓配公最著者曰房公
房公相玄宗有勞于蜀人咸服其節相肅宗作
訓于岐人咸尊其道惟正直慈愛以成於德用
是進退所居而事理辨所去而人哀號理袁人
袁人不勝其懷為文士趙郡李華銘公之德亂
故不克立中刺史太原王涯嘉公之道猶在乎
人人不忘公之道為之刻石王公嘗以機密匡
天子于禁中承公之道刺於我邦由公之理又

能尊公之德起遺文以昭前烈則其入為卿士
 三公也孰曰不宜吾惧其去我也遽願書于銘
 之陰用永表於邦之良政

柳子厚

蒼崖先生金石例卷之五

蒼崖先生金石例卷之六

鄱陽楊本編緝校正

韓文公銘誌括例

自宦業俊偉者敘起而以世系妻子居後

朝散大夫贈司勳員外郎孔君墓誌銘二十六卷

自急流勇退者敘起次履歷家世而以死葬居後

正議大夫尚書左丞孔公墓誌銘二十七卷

自事契敘起次履歷家世子女而以葬年月居後

考功員外郎盧君墓銘二十八卷

先敘姓字三代次歷履而以妻子居後

崔評事墓銘

三十卷

河南少尹裴君墓誌銘

二十四卷

國子助教薛君墓誌銘

二十四卷

江西觀察使韋公墓誌銘

二十五卷

清河郡公房公墓誌銘

二十七卷

殿中侍御史李君墓誌銘

二十八卷

河南令張君墓誌銘

二十二卷

鳳翔隴州節度使李公墓誌銘

二十二卷

司徒侍中中書令贈太尉許國韓公神道碑

銘

三十卷

先敘家世

興元少尹房君墓誌銘

二十卷

集賢校理石君墓誌銘

二十卷

中散大夫河南尹杜君墓誌銘

二十卷

故相權公墓碑

三十卷

柳子厚墓誌銘

二十卷

朝散大夫越州刺史薛公墓誌銘

三十卷

號州司戶韓府君墓誌銘三十卷

韓滂墓誌銘三十卷

不書家世而書履歷

李元賓墓銘二十四卷

不書家世履歷而言丹硃之害

太學博士李君墓誌銘三十四卷

先敘死年月起

施先生墓銘二十四卷

登封縣尉盧殷墓誌銘二十五卷

先敘死者葬地

自河東觀察鄭公神道碑文

二十六卷

先敘姓名履歷而以三代妻子居後

試大理評事王君墓誌銘

二十八卷

江南觀察贈常侍太原王公墓誌銘

三十卷

幽州節度判官贈給事中張君徹墓誌銘

三十三卷

四卷

無履歷可敘者

處士盧君墓誌銘

三十四卷

考功員外郎盧君墓銘二卷十卷

僅有初筮可書者

李元賓墓銘二卷十卷

河南王屋縣尉畢君墓銘二卷十卷
增墓誌三卷

敘文詞之盛者
王公墓誌三卷

貞曜先生孟郊墓誌二卷十卷
九卷

南陽樊紹述宗師墓誌銘三卷十卷
四卷

自賜廟敘起

烏氏廟碑銘二卷十卷

魏博節度觀察使沂國田公先廟碑銘二十六卷

自乞銘敘起

河南少尹李公墓誌銘二十五卷

袁氏先廟碑二十七卷

庫部員外郎張府君墓誌銘二十九卷

中散大夫少府監胡良公墓神道碑三十卷

有誌無銘

襄陽盧丞墓誌銘二十五卷

河中府法曹張君墓碣銘三十五卷

貝州司法叅軍李君墓誌銘三十四卷

大學博士李君墓誌三十四卷

述其妻子之辭朱子謂別是一體此文之變

虞部員外郎張府君墓誌二十九卷

殿中少監馬君墓誌三十三卷

法揚子雲造語洪氏云朱子謂用字奇古

曹成王碑二十八卷

王臨川以為銘之奇者

試大理評事王君適墓誌二十八卷

樓迂齋所取者

殿中少監馬君墓誌

三十三卷

唐故河中府法曹張君墓誌

二十五卷

賜廟碑體

烏氏廟碑銘

二十六卷

袁氏先廟碑

二十七卷

郡王碑體

清邊郡王楊老奇碑

二十四卷

曹成王碑

二十八卷

銀青光祿大夫襄陽郡王平陽路公碑

公相銘誌體

檢校尚書右僕射統軍劉公墓誌銘二十九卷

故相權公墓銘三十卷

清河郡公房公墓誌銘二十七卷

鄧度觀察刺史誌銘碣

河東節度觀察使滎陽鄭公神道碑二十六卷

鳳翔隴州節度使李公墓誌銘三十卷

江南西道觀察使太原王公神道碑二十一卷

朝散大夫越州刺史薛公墓誌銘三十卷

御史卿監郎官墓誌附博士

殿中侍御史李公墓誌

二十卷

正議大夫尚書左丞孔公殘墓誌

三十卷

殿中少監馬君墓誌

三十卷

虞部員外郎張府君墓誌

二十九卷

大學博士李君千墓誌

二十四卷

州縣官誌銘

中散大夫陝府左司馬李公墓誌

三十四卷

中散大夫河南尹杜君墓誌

二十六卷

河南少尹裴君墓誌

二十四卷

太原府叅軍苗君墓誌 三十一卷

貞曜先生墓誌 二十九卷

襄陽盧丞墓誌 二十五卷

處士誌銘

處士盧君墓誌 三十四卷

幼殤誌銘

盧潭墓誌 二十五卷

韓滂墓誌 三十五卷

蒼崖先生金石例卷之六

周禮氏九松
話雙脛書

周
金

蒼崖先生金石例卷之七

鄱陽楊本編緝校正

韓文公銘誌括例

宗族婣黨稱呼例

書上代例

其十一世祖

殿中侍御史李君誌

其上祖

朝散大夫越州刺史薛公

誌

七世祖

柳子厚誌

六代祖

國子司業竇公誌

六世祖

江西觀察韋公誌

四世祖

朝散大夫越州刺史薛公

誌

書曾祖例

曾大父

崔評事誌裴少尹誌劉統軍等誌

曾祖

少尹房公誌尚書左丞孔公誌

大王父

清河郡房公誌

書曾伯叔祖例

曾伯祖

柳子厚誌

書祖例

大父

崔評事誌裴少尹誌劉統軍誌

祖

房少尹誌孔左丞誌

王父

清河郡公誌

書父例

父

崔評事誌裴少尹誌劉統軍誌

皇考

孔正議大夫左丞誌

烈考

清邊郡王楊燕奇碑

書母例

大內職必書例

公曾祖諱玄靜尚書膳部郎中歷資簡涇隰

四州刺史

興元少尹房公誌

太父某為刑部侍郎出刺徐相州崔評誌

太父曠御史中丞京畿採訪使河南少尹裴君誌

太父利貞有名玄宗世為御史中丞舉彈無

所避由是出為陳留守領河南道採訪處

置使河南令張君誌

書除授例

某年拜越州刺史注或作元和十二年正月二十二日方氏云前已云

元和四年此不當復出年號他銘亦無書除授日月者刺史薛公誌

家世例

書三代例

曾大父知道仕至大理司直大父玄同為刑

部侍郎出刺徐相州父倚舉進士

崔評事誌

曾大父元簡大理正大父曠御史中丞京畿

採訪使父虬以有氣畧敢諫諍為諫議大

夫引正大疑有寵代宗朝屢辭官不肯拜

卒贈工部尚書

河南大尹
裴君誌

公曾祖諱玄靜尚書膳部郎中歷資簡涇隰

四州刺史太尉之叔父也祖諱肱為虢州

司馬父諱巒都水使者皆名能守家法房少

尹誌

後七世至行褒官至易州刺史於君為曾祖

易州生婺州金華令諱懷一卒葬洛陽北

山金華生君之考諱平為太子家令葬金

華墓東而尚書水部郎劉復為之銘集賢院校

理石君誌

其大王父融王父瑄仍父子為宰相融相天

后事遠不大傳瑄相玄宗肅宗處艱難中

與道進退薨贈太尉流聲于茲父乘仕至

祕書少監贈太子啓事

清河郡公房公誌

曾大父諱承慶朔州刺史大父臣敖好讀老子
莊周書為太原晉陽令再世宦北方樂其土俗
遂著籍太原之陽曲曰自我為此邑人可也何
必彭城父訟贈右散騎常侍

劉統軍誌

不書三代例

登封縣尉盧殷誌

並不書三代

太學博士李君干誌

並不書三代

歷書世系例

公諱邢字某雍王繪之後王孫道明唐初以

屬封淮陽王又追王其祖父曰雍王長

平王淮陽生景融景融親益疎不王生務

該務該生思一思一生岌比四世官不過

縣令州佐然益讀書為行為士大夫家岌

為蜀州晉原尉生公未晬以卒

陝府左司馬李公誌

書三代及其兄例

曾祖曰希莊撫州刺史贈大理卿祖曰元暉
果州流溪縣丞贈左散騎常侍父曰播尚
書禮部侍郎命君後兄據據為尚書

水部郎中贈給事中

國子助教河東薛君誌

書三代不名而及其女兄與甥

以外戚故書

莊憲皇太后之弟今天子之舅太師之子太

尉之孫司徒之曾孫

銀青光祿大夫太原王公神道碑

不書曾祖而書六代祖及祖及父例

六代祖敬遠嘗封西河公大父同昌司馬比

四代仍襲爵名同昌諱脩生皇考諱叔向
官至左拾遺溧水令贈工部尚書尚書於

大曆初名能為詩文國子司業
竇公誌

不書曾祖而書祖書父例

祖曰旭袁州宜春尉父曰媯豪州定遠丞施先

生誌

祖子輿濮州濮陽令父同舒州望江令考功
員外

盧君誌

大父知古祁州司倉烈考文誨天寶中實為

平盧衙前兵馬使位至特進檢校太子賓
容封弘農郡開國伯世掌諸蕃互市恩信

著明夷人慕之

清邊郡王
楊燕奇碑

祖某某官贈某官父某某官贈某官

朝散大夫
贈司

勳員外郎
孔君誌

大父利貞有名玄宗世為御史中丞舉彈無
所避由是出為陳留守領河南道採訪處
置使數歲卒官皇考諱郇以儒進官至侍

御史

河南令
張君誌

大父諱秀武后時以文材徵為麟臺正字父

宰臣用進士卒官平陽冀氏令贈潭州大

都督中散大夫少府監
胡良公神道碑

大不書曾祖祖而書六世祖及父例

六世祖孝寬仕周有功以公開號於鄭鄭公

之子孫世為大官唯公之父政卒雒縣丞

贈虢州刺史江西觀察
使韋公誌

不書曾祖祖而書七世祖及曾伯祖及父

例

七世祖慶為拓跋魏侍中封濟陰公曾伯祖
奭為唐宰相與褚遂良韓瓊俱得罪武后
死高宗朝皇考諱鎮以事毋棄太常博士
求為縣令江南其後以不能媚權貴失御
史權貴人死乃復拜侍御史號為剛直所
與遊皆當世名人

柳子厚誌

不書曾祖祖而止書其父例

公諱道古字某曹成王子其先王明以太宗
子王曹絕輒復封五世而至成王成王諱

鼻有功建中貞元間以多才能能行賞誅

為名至今追數當時内外文武大臣成王

必在其間昭武校尉守左金吾將軍李公誌

常州刺史贈禮部侍郎憲公諱及之第二子

憲公躬孝踐行篤實而辨於文勸飭指誨

以進後生名聲垂延紹德惟克祕書少監贈絳州刺

史独孤府君誌

處士諱於陵其先范陽人父貽為河南法曹

參軍處士盧君誌

不特書父而書大王父王父伯例

大王父玄暕歷御史屬三院止尚書郎生景

肅守三郡終傳涼王生政襄鄧等州防禦

使鄂州採訪使贈吏部尚書公尚書之弟

某子

江南西道觀察使
太原王公神道碑

書上世并書其母例

其上祖懿為晉安西將軍實始居河東公之

四世祖嗣汾陰公諱德儒為隋襄城郡書

佐以卒襄城有子二人皆貴其後皆蕃以

大而其季尤盛官至邠州刺史邠州諱寶
胤有子九人皆有名位其最季諱謙為河
南令以卒河南有子四人其長諱同卒官
湖州長史贈刑部尚書尚書娶吳郡陸景
融女有子五人皆有名蹟其達者四人公
於倫次為中子

朝散大夫越州
刺史薛公誌

書二母例

初司徒公娶河南元氏封潁川郡夫人贈許
國夫人許國薨少府始孩顧託以其姪為

繼室是為陳國夫人陳國無子愛君與少

府如已生其薨也君與少府喪之猶實生

已親負土封其墓

贈絳州刺史馬府君行狀

書三代并書其母例

曾祖匡時晉州霍邑令祖子尋彭州九隴丞

又迪鄂州唐年令娶河南獨孤氏女生二

子君其季也

朝散大夫尚書庫部郎中鄭君誌

其上世有暘者當宇文時為車騎大將軍鄜

城太守卒葬河北謚曰忠公至孝權間五

世矣孝權大父諱孝先太子通事舍人父

諱庭光贈綏州刺史綏州之卒孝權盖尚

小母曰太原縣君卒既葬孝權守墓樹松

栢三年而後歸

虞部員外郎張府君誌

書三代并書其母其舅例

曾祖弘泰簡州刺史祖乾秀伊闕令父燮宣

州長史贈絳州刺史母夫人燉煌張氏其

舅叅有大名

河南少尹李公誌

書父并其母舅不及上二代例

公之父曰海為人魁偉沈塞以武勇游仕許

汴之間寡言自可不與人交衆推以為鉅

夫人長者官至游擊將軍贈太師娶鄉邑劉

氏女生公是為齊國太夫人夫人之兄曰

司徒玄佐有功建中貞元之間為宣武軍

帥有汴宋亳穎四州之地兵士十萬人許國

公韓弘
神道碑

書十一世祖及父及母例不及曾祖祖
至書葬方見

其十世祖冲貴顯拓拔世父憚河南温縣尉

其娶陳留太守薛姜童女

殿中侍御史李君誌

書父及母及兄弟而不及上世例

父庭玠娶裴氏女而選為崑山尉生先生及

二季鄴而卒

貞曜先生誌

書婦女家世例

書三代例

夫人曾祖某綏州刺史祖某潞州別駕父某

晉州錄事參軍

息國夫人誌

曾大父襲變贈禮部尚書大父殆庶贈太子

太師父如蘭仕至太子司議即汝州司馬

書河南府法曹盧府君夫人苗氏誌

書祖書父及其舅其夫例

夫人姓盧氏范陽人亳州城父丞序之孫吉

州刺史徹之女嫁扶風馬氏為司徒侍中

莊武公之冢婦少府監西平郡王贈工部

尚書之夫人

扶風郡夫人誌

書父及其夫其子例

楚國夫人姓翟氏故檢校御史大夫宋州刺

史良佐之女今司徒兼中書令許國公之
妻前鄜坊節度使散騎常侍兼御史大夫

公武之母

楚國夫人誌

書兄弟例

書兄及弟例

公之昆季五人載戡戢戡公於次為第二正議

大夫尚書左丞
孔公幾誌

書妻例

書妻及曾祖祖不書妻之父例

公之配曰彭城劉氏夫人夫人先卒其葬以

夫夫人祔夫人曾祖曰子玄祖曰餗皆有大

名河南少尹李公誌

書妻及妻之祖父不書妻曾祖例

妻彭城人世有衣冠祖好順泗州刺史父詠

卒蘄州別駕河中府法曹張君誌

夫人天水權氏贈太子太保貞孝公皋之承

孫故相今太常德輿之女胤慶配良是似

是宜秘書少監贈絳州刺史独孤府君誌

書妻及妻之父不及其曾祖祖例

夫人博陵崔氏少府監頰之女

河南少尹裴君誌

夫人常山郡君張氏彭州刺史贈禮部侍郎

旣之女生子男三人

中散大夫河南尹杜君誌

妻范陽盧氏鄭滑節度使兼御史大夫群之

女與君合德親戚無退一言

殿中侍御史李君誌

書妻及妻之父及曾伯父例

夫人博陵崔氏朝邑令友之之女其曾伯父

玄暉有功中宗時夫人高明遇子婦有節

法進見侍側肅如也中散大夫陝府左司馬李公誌

其書妻及妻叔祖不書其祖父例

娶監城劉氏女故相國晏之兄孫生男二人

集賢院校理石君誌

不書妻祖父例

妻鄭氏也崔評事誌

夫人河南胡氏號太原郡夫人工部尚書太原郡公神道

碑

君娶河東柳氏女河南令張君誌

公娶其舅女有子七人

觀察使贈常侍
太原王公誌

娶滎陽鄭氏女生男六人

興元少尹
房公誌

妻曰太原王氏先生卒

施先
生誌

夫人李姓隴西人君在配君子無違德君歿

訓子女得毋道甚後君二十年年六十六

而終

考功員外
盧君誌

因葬書妻例

其妻清河張氏以其年十二月丙寅葬君于

洛陽平陰之原

太原府叅
軍苗君誌

因祔葬書妻例

夫人滎陽鄭氏祔

銀青光祿大夫
平陽路公碑

奉先夫人天水趙氏祔

中散大夫少府
監胡公神道碑

楚國夫人翟氏祔

許國公韓
弘神道碑

書再娶例

夫人即隴西郡夫人李氏清夷郡太守祐之

孫漁陽郡長史獻之女柔嘉淑明先公而

殂有男四人女三人後夫人河南郡夫人

雍氏某官之孫某官之女有男一人女二

人咸有至性純行清邊郡王楊燕奇碑

書三娶例

公三娶元配韋氏諱脩脩生子紘紘為進士

學女貢嫁崔氏夫人隋雍州牧鄖公叔裕

五世孫父士佺蓬山令次配崔氏諱葯生

綽紹綰女會嫁鄭氏季昆夫人父昭嘗為

京兆尹今夫人韋氏無子父光憲光祿卿

其葬用古今禮以元配韋氏夫人祔而葬

次配崔氏夫人於其域異墓

昭武校尉守左金吾將軍

李公誌

書婦德例

脩慶配良是似是宜

秘書少監贈絳州刺史孤府君誌

賢有法度

鳳翔隴州節度使李公誌

孝順祗脩群女效其所為

幽州節度判官贈給事中清河張君

誌

與君合德親戚無退一言

殿中侍御史李君誌

有賢行侍君疾逾年不下堂食菜飲水藥物

必自擇將進輒先嘗方書本草恒置左右

贈絳州刺史馬府君行狀

書子女例

與書子女不名例

有男八人女二人

殿中少監馬君誌

有子二人女二人

崔評事誌

有子六人女子一人

銀青光祿大夫太原郡王公神道碑

凡產四男五女男生輒即死

薛君子助教河東

生男輒死卒無子女一人學浮屠法不嫁為

比上尼云

登封縣尉盧殷誌

子書名女不書名例

男三人長曰初協律次曰彪其幼曰還適三

歲女子九人殿中侍御史李君誌

男三人暢申易女三人皆嫁為士人妻考功員外

盧君誌

生男二人八歲曰壬四歲曰申女子二人集賢

院校

子女並書名例

有男十歲曰義女九歲曰孟處士盧君誌

書子女及婿例

生男六人其長曰次卿

次卿有大

才不能俯仰順

時年四十餘尚守京兆興平尉然其友皆

曰房氏有子也次曰次公次膺次回次衡

次元始學而未仕女三人皆嫁為士人妻

興元少尹房君誌

不書婿姓名例

生三子一男二女男三歲夫死長女嫁亳州

永州城尉姚佺其季始十歲

大理評事王君誌

生六子四男二女長曰全正惠而早死次曰

居中好學善為詩張籍稱之次曰從直曰

居敬尚小長女嫁吳郡陸暢除名人董府君誌

有四子長曰温質四門博士遵儒遵憲温裕

皆明經女子長嫁中書舍人平陽路隋其

季者幼正議大夫尚書左丞孔公誌

書子女婿及於外孫例

七男三女邠為澄城主簿其嫡激鄜城令放

芮城尉漢監察御史漣洸潘皆進士及公

之存內外孫十有五人中大夫陝府左司馬李公誌

書異母子女例

始娶范陽盧氏女生仁本仁約仁載皆有文

行二季舉進士皆早死仁本為後子獨存

後娶趙郡李氏生三女二夫人凡三男五

女河東節度鄭公神道碑

初娶吏部侍郎京兆韋肇女生二女一男長

女嫁京兆韋詞次嫁蘭陵蕭儻後娶河南

少尹趙郡李則女生一女二男其餘男二

人女四人皆幼嗣子退思韋氏生也

朝散大夫

尚書庫部郎中鄭君誌

公有四子長曰元孫三原尉次曰元質彭之濛陽尉曰元立興平尉曰元本河南參軍皆愿敏好善元立元本皆崔氏出

鳳翔龐州節度

李公誌

書子而無女例

子曰友直明州鄭縣主簿曰友諒太廟齋郎

施先生誌

其子越能輯父事無失謹謹致孝清河郡公房公墓碣

長子殿中丞繼祖孝友以類扶風郡夫人誌

既葬其子監察御史璩纒然服喪來有請故相

權公誌

書子女年歲例

男三人璟質皆既冠其季始六歲曰充郎河南

少尹裴君誌

男子二人長曰某早死次日曰天官始十歲有

至性聞呼父官與聞吊客至輒號泣以絕

女子一人

祕書少監贈絳州刺史独孤府君誌

書女出家例

女一人學浮屠法不嫁為比丘尼云

登封縣尉盧殷

誌

女子三人其長學浮屠法為比丘尼其季二

人未嫁

河南府王屋縣尉畢君誌

書子女生於死後例

男三人執規執矩必復其季生君卒之三月

太原府參軍
苗君誌

子厚有子男二人長曰周六始四歲季曰周

七子厚卒乃生女子二人皆幼

柳子厚誌

書過房子例

父曰播尚書禮部侍郎侍郎命君後兄據自

給事至君後再絕皆有名遺言曰以公儀

之子已已後我

國子助教河東薛君誌

子男二人長曰肅元某官次曰公武某官肅

元早死公之將薨公武暴病先卒公哀傷

之月餘遂薨無子以公武子孫紹宗為主

後許國公韓弘神道碑

書子文學材質例

戡強以肅成敏以和息國夫人誌

好善學文能謹謹致孝述父之志曲而不黷

國子司業
竇公誌

雖皆幼侍疾居喪如成人贈絳州刺史
馬君行狀

書無子例

唐元和九年歲在甲午八月己亥貞曜先生

孟氏卒無子貞曜先生誌

孟為卒無子

生始

與野長

周太始

始也

喜六味以平端年甲午八月廿五日負顯決生

善無子例

輒皆必科幾子身或知人

謂舉世

無子

國子例

善學文雖勤難延衣衾父之志曲而不烈

題題以補丸嫌以味

息國未

曰公試

善學文學林贊國公武

蒼崖先生金石例卷之七